

Pa bo actividad di
Carnaval bo por
cumpra bo potret
pa Afl. 5.00



Le Photo Studio
Caya Betico 63
Lokaal 3

Pa un documentario riba historia di cine na Aruba


Ta buscando potretnan bieu di teatronan di cine na Aruba

E negoshi di cine a nace na Aruba na aña 1920 y for di e tempo ey nos isla a conoce diferente teatro di cine. Pa por prepara un documentario special, tin mester di potret bieu di practicamente tur e teatronan di cine cu nos isla a yega di conoce. Den 90 aña ta hopi di e teatronan aki a habri y sera. Otronan a pasa den temponan bon y otronan den temponan

menos bon. Hecho ta cu di tur e cinenan aki lo tin hendenan den nos comunidad cu tin potret warda di nan tempo di "gloria" cu lo por sirbi pa un documentario special.

Ora papia di teatronan di cine na Aruba, ta referi na entre otro Teatro Gloria y tambe Teatro Rialto, ambos tabata situa den Steenweg, tras di caya grandi

na Playa. Especialmente na San Nicolas tabatin varios teatro di cine, manera ta Cinelandia cu tabata situa den e mesun edificio (blau) unda tabata DOOV ultimo. Tambe na San Nicolas tabatin Teatro Royal cu despues a cambia di nomber pa teatro Principal cu tabata situa den e mesun edificio unda awendia ta e sucursal di ATCO na San Nicolaas. Tabatin Cine Lago



Heights banda di Lago Heights Club. Separa di eseynan, tabatin un teatro di cine den Esso Club unda awendia ta Nanky Country Club. Na Savaneta nos a yega di conoce Teatro Savaneta banda di Mariniers Kazerne, mientras cu na Santa Cruz tabatin Teatro Aurora cu tabata situa banda di unda awe ta Kwihi Inn of Papa's Pizza na Santa Cruz.

Ta pidi tur hende cu por tin foto y cu lo ta dispuesto pa pone disponibel pa un documentario, cu lo por manda un email pa info@teragroupnv.com of yama Nadine Violenus na 588-4941. Tambe lo por pasa libremente na Tera Group N.V. situa den Zoutmanstraat # 33. Claro cu lo digitalisa e fotonan y entrega e original bek na su doño mesora.